

REFERAT MAA - Meeqqanut Atuarfeqarnermullu Ataatsimiititaq d. 02-08-2023

Mødedato Onsdag d. 02. august 2023 kl. 18:00

Mødested Kommunalbestyrelsen's ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
MISI-p 2022-mut ukiumoortumik nalunaarusiaanik ilisimatitsissut.....	6
Atuarfik Tuiisaaq pillugu nakkutilliinermi nalunaarusiaq.....	9
Innuttaasumit siunnersuut: Quassussuaq uiarlugu mountainbikenut aqqut.....	13
Atuartut angajullit atuariatortarnerisa nikisinneqarnissaanut siunnersuut.....	16
Meeqqanut Atuarfeqarnermullu Ingerlatsivimmit 2024-mut missingersuusiornissamut sanaartugass:	20
Kommunalbestyrelsip meeqqanut, atuarfeqarnermut sammisassaqaqtitsinermullu tunngasunik peqqi	23
Kommuneqarfik Sermersuup aamma Københavns Kommuniata akornanni illoqarfittut ikinngutigii	27
Lukket.....	30
Lukket.....	31
Lukket.....	32
Taasariaqartut allat.....	33
Imaqarniliap akuerineqarnera.....	34

Punkt .: Saqqaa

Ilaasortat

Juaaka Lyberth (IA), *siulittaasog*

Poul Petersen (D), *siulittaasup tullia*

Pele Broberg (N)

Dorthe-Marie Mogensen-Fontain (S)

Beslutning

Peqataasut

Juaaka Lyberth (IA), *siulittaasog*

Attaveqaatitigut peqataasut

Pele Broberg (N)

Dorthe-Marie Mogensen-Fontain (S)

Peqataanngitsoq

Poul Petersen (D), *siulittaasup tullia*

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ataatsimiititami siulittaasumit nalunaarutit

Ukioq atuarfiusoq 2023/2024 sapaatip akunnera 33-mi aallartissaaq. Tasiilami nunattalu kangiani nunaqarfinni atualeqqaarfik aallartissaaq ulloq aggustip 14-iat, Ittoqortoormiini nunattalu kitaani illoqarfinni nunaqarfinnilu ukioq atuarfiusoq aallartissaaq ulloq 17. aggusti.

Punkt 1: MISI-p 2022-mut ukiumoortumik nalunaarusiaanik ilisimatitsissut

Beslutning

Ilisimatitsissut tusaatissatut tiguneqarpoq.

Bilag

MISI-p 2022-mut ukiumoortumik nalunaarusiaa



MISI-p 2022-mut ukiumoortumik nalunaarusiaanik ilisimatitsissut

Ilisimatitsissut

SagsID.: EMN-2020-01461

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

MISI – Meeqqanik Inuusuttunillu Siunnersuisarfik 2022-mut ukiumoortumik nalunaarusiorpoq. Nalunaarusiaq naapertorlugu MISI-mi suliat suliarineqartarnerini allangortiterisoqarpoq, ilaatigut siusinaartumik aamma pinaveersaartitsisumik suliniuteqarnissat ukkatarinerulernissat kissaatigineqarluni. Tassa imaalluni meeqqat ataasiakkaat "ajornartorsiortuutinneqanngitsut" kisiannili ajornartorsiutitut misigineqartoq iluarsiniarlugu inersimasumit ikiorneqarnissaa siunertarineqarluni. Tamatuma saniatigut qanoq kikkullu MISI-mut saaffiginnissinnaanersut kiisalu Kommuneqarfik Sermersuumi MISI-p kiffartuussinerit sorliit innuttaasunut neqeroorutigisarnerai nalunaarusiami nassuiaatigineqarpoq. Aammattaaq perorsaanikkut-tarnip pissusiinut tunngatillugu naliliinerit inatsisitigut pisussaaffiusut ukiumoortumik suliarineqartarput kiisalu 2022-mi suliassat allat MISI-mi suliarineqarsimallutik.

2022-p ingerlanerani MISI marloriarluni Tasiilamiippoq taakkunungalugu atatillugu nunaqarfiit lsertoq, Sermiligaaq, Kuummiit aamma Kulusuk tikinneqarlutik.

Aaqqiissutissat siunnersuut – suliatigut naliliineq

Ukioq 2022 suliassarpassuarnik pissanganartunik ulikkaarsimavoq. Suleriaatsinik nutaanik atuutilersitsiniarneq pilersitsiartuaarnerlu annertuumik ukkatarineqarlutillu piffissartornarsimapput. Siusinnerusukkut meeraq MISI-mit (aamma saaffiginnittunit) "ajornartorsiutitut" isigineqartarpoq, taamaalilluni tarnip pissusiinut tunngasunik eqqarsartaatsikkut toqqaannartumik suliaqarnermik kinguneqartarluni. Maannali taamatut eqqarsartaaseqarneq allangortinneqarpoq, "ajornartorsiummik misigisaqartoq tassaamat ajornartorsiuteqartoq". Tassa imaappoq, MISI-p saaffiginnittut, meeraq ulluinnarni ikiorsinnaanerussammassuk, perorsaanikkut iliuuserisinnaasaannik siunnersuisarneq pingaartinnerulerpaa. Tamatumingga siunertaasoq tassaavoq siusinaartumik pinaveersaartitsisumillu suliniuteqarnissaq MISI-mit anguniarneqarusummat. Tamanna tunngaviumik MISI-p saaffiginnissutini tamani meeqqap inuttut ajornartorsiutitut isiginnikkunnaarnikuuneranik isumaqarpoq, inersimasulli ajornartorsiutitut misigisartagaat perorsaanikkut iliuuseqarnikkut inersimasunit iluarsineqarsinnaasutut taamalu meeqqap ulluinnarni inuuneranut ikiorsiillutik.

Ingerlariaqqinnissaq

Meeqqat inuusuttullu ineriartornerminni atugaasa pitsaanerpaamik angusaqarfiginissaat kissaatigigatsigu 2023-mi siusinaartumik pinaveersaartitsisumillu suliniuteqarneq MISI-miit nangittumik ingerlakkusupparput. Meeqqat ukioqanngitsuniit 18-it tikillugit ukiulinnut tunngatillugu angajoqqaanik, meeqqerivimmiumik atuarfimmiumillu siunnersuerusullutalu siunersieqateqarusuppugut. MISI suliassaqarfirmut nalinginnaanerumut qaninnerunissani kissaatigaa.



Takorluugaq: Meeqqat inuusuttullu Kommuneqarfik Sermersuup meeqqerivianniittut atuartullu atugarissaarnerisa, ilikkarnissaasa ineriartornissaasalu siuarsarneritigut meeqqanut pitsaasumik isiginnittariaaseq Sermersuumi MISI-mit anguniarneqarpoq.

Suliassaq: Meeqqanut inuusuttunullu ataatsimuussutsit ilikkarnartumillu avatangiiseqarnerit pitsaasumik ineriartortinnissaasa nukittorsarnerisigut meeqqeriviit atuarfiillu suleqatigalugit pitsaaliuinerit tamakkiisumillu isigisumik suliniuteqarnerit MISI-mit ukkatarineqarput.

2023-mi MISI-mut periusissaq suliarineqassaaq.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq. § 5, imm. 3, normu 4
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq: §38, nummer §4
Tassunga atatillugu suliarineqarsimavoq Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq
- PPR-imik isumaqatigiissut Kalaallit Nunaanni Kommunalbestyrelsit sinnerlugit KANUKOKA-mut isumaqatigiissutaasoq, tassani pineqarpoq Perorsaanikkut Tarnip Pissusaatigut Siunnersuisarfik pillugu kiisalu meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugu kommuninut (Namminersorlutik Oqartussanit) nassuiaat 1. januar 2012-imit atuutilersoq

Ilanngussat

1. MISI-p 2022-mut ukiumoortumik nalunaarusiaa

Punkt 2: Atuarfik Tuiisag pillugu nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Atuarfik Tuiisag pillugu nakkutilliinermi nalunaarusiaq

Atuarfik Tuiisq pillugu nakkutilliinermi nalunaarusiaq

Ilisimatitsissut

SagsID.: EMN-2023-01544

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliisussaataitavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortap kommunip atuariini ukiumut ataasiarluni nakkutilliartortarnissaq siunniunnikuuaa. Ulloq 29. marsi 2023 Atuarfeqarnermut Immikkoortortaq Atuarfik Tuiisq Paamiuniittoq siumut ilimasaareqqaarluni nakkutilliartorpoq.

Nakkutilliineq tunngavigalugu suliartigut pingaarnertut naliliinermi atuarfik atuarfeqarnermut inatsit naapertorlugu ingerlanneqarpoq, aamma atuarfimmi nakkutilliisimanermit innersuussutit atuarfimmi aqutsisunit ingerlanneqarsimallutik. Matumani pingaartumik ilikkagassatut anguniakkat naapertorlugit atuartitsisoqartoq aqutsisuniit paasineqarluarsimaniassamat klassini atuartitsisunut alakkaasarneq atuariup aqutsisuiniit ingerlanneqartalersimanera ilanngullugu. Matumanittaaq atuartut atuanngitsoortarnerisa naliliiffigisarnerisalu nalunaarsortarnerinut TEA Tabulex atorneqartalersimavoq.

Nakkutilliinermi nalunaarusiamiit immikkoortut pingaarnertit ilaat tullinnguuttuni allaqqapput.

Atuartitsissutini angusat

3. klassini aamma 7. klassini alloriarfinni misilitsinnermi angusat kiisalu pingaarnertut atuartitsissutini allattariarsornikkut soraarummeernermi karakterit ukiumit ukiumut nikerarput. 7. klassini matematikkimi alloriarfinni misilitsinnermi angusat naapertorlugit ersarissumik siuariaateqartoqarsimavoq. Matumani inernilillaqqissuseq ukioq atuarfiusoq 2019/2020-mi 37 %-imiit ukioq atuarfiusoq 2021/2022-mi 63 %-imut qaffariaateqarsimavoq. Aammattaaq soraarummeernermi angusatigut qaffariaateqartoqangaatsiarsimavoq, pingaartumik qallunaatut allattariarsorluni saqqummiilluni misilitsinnermi. Matumani ukioq atuarfiusoq 2019/2020-mi soraarummeernermi misilitsinnermi angusat agguaqatigiisillugit 1,69-imiipput ukiorlu atuarfiusoq 2021/2022-mi 4,27-miillutik.

Atuarfimmi atuartitsissutini angusat pitsanngorsarniarlugit Atuarfeqarnermut Immikkoortortamiit innersuussutigineqarpoq anguniagassat atuartitsinnermut atuariup pitsaassutsimut nalunaarusiaani kiisalu alloriarfinni misilitsinnermi soraarummeernernilu angusani allaqqasussat ataavartumik ukkatarineqassasut.

Tiiminik atuneq

Alloriarfinni kiisalu immikkut atuartitani tamani atuartitsinnermi piffissaq eqqarsaatigalugu meeqqat atuariannut inatsimmi minnerpaaffissatut piumasaaqatit atuarfimmit malinneqarput. Taamaakkaluartoq atuarfimmit 1. oktobarimi nalunaarusiarineqartumi maluginiarneqarpoq ukiumi



atuarfiusumi 2022/2023-mi ilinniartitsisunik pisariaqartitsinerup misissuiffigeqqissaarneqarnerani akuerisaasunut sanilliullugu atuarfimmi 5.249,44-nik ilinniartitsisunut tiiminik atuineruallaartoqarsimavoq, ilinniartitsisut ulloq naallugu atorfillit marluk qaangilaarlugit nalingini.

Aammattaaq 1. oktobarimi nalunaarusiarineqartumi taartaasunut tiimit ilaalu ilanngullugit allatorneqarsimasut naak nalunaarusiarineqartumi allaqqasussaangikkaluatut. Tamanna iluarsineqareerpat tiiminik atuinerpiartaa akuerisaasunit sanilliullugu annikinninngortussaavoq. Atuarfeqarnermut Immikkoortortamit taamaammat innersuussutigineqarpoq 1. oktobarimi nalunaarusiarineqartartumi tiiminik atuinerit eqqortut nalunaarutigineqartassasut.

Atuartut naliliiffigineqarneri

Meeqqat atuarfiannut inatsimmi minnerpaaffissatut piomasaaqaataasoq naapertorlugu atuartunik naliliisarneq ukiumut marloriarluni pisarpoq, ukiakkut aamma upernaakkut, naliliinermilu Angusakka sakkussatut atorneqartarput. Taakku TEA Tabuleximut allatorneqartarput. Atuartut naliliivigineqarnerat ilutigalugu atuarfiup angerlarsimaffiullu akornanni oqaloqatigiinnerit pinngitsooratik ingerlanneqartussat pisarput.

Atuartut atuanngitsoortarnerat

Atuartut atuanngitsoortarnerat ullaat tamaasa nalunaarsuutikkut allattorlugit nalunaarsorneqartarput tallimangornerillu tamaasa klasselærerip nalunaarsukkamiittut TEA Tabuleximut digitalimik nussortarpai. 1. - 3. klassini atuartut tamarmik immikkut atuanngitsoortarnerinut nalunaarsuutaasoq qaammatit tamaasa angajoqqaanut atsiugassangorlugu nassiunneqartarpoq. Taamatut aaqqiissuteqarneq klassitut alloriarfinni tamani atuuttuurtussangortinneqarnissaa atuarfimmit sulissutigineqarpoq.

Ilinniartitsisut sulinnigittarnerat

Ilinniartitsisut sulinnigittarnerat TRIO Tabuleximut nalunaarsorneqartarput, atuarfimmilu ilinniartitsisut sulinnigitsuukulusuunngillat. Taamaakkaluartoq ilinniartitsisut sulinnigittarnerat pillugu atuarfimmi maleruagassaqaqngilaq/iitersuuteqaqngilaq, tamanna Atuarfeqarnermut Immikkoortortamit innersuussutigineqarpoq suliarineqassasoq.

Atuartut siunnersuisoqatigiit

Elevráddit piffissami sivitsortumi unittoqqaffiutsiarpoq elevráddimilu siulittaasoq atuarfiup siulersuisuisa ataatsimiittarnerini peqataasimangilaq. Taamaammat Atuarfeqarnermut Immikkoortortamit innersuussutigineqarpoq elevráddit aallarteqqissasut kiisalu siulittaasoq atuarfiup siulersuisuisa ataatsimiittarnerani peqataasassasoq, tassanimi elevráddit siulersuisunut innersuussuteqartarmata.

Inissatigut atugassarititaasut

Atuarfiup qilaavatigut imeq kusertoq arlaleriarlugu nalaanneqartarpoq, tamannalu Sanarfinermut Avatangiisinullu Ingerlatsivimmi Sanarfinermut immikkoortortaqaarfimmut arlaleriarlugu eqqumaffigeqquneqartareerpoq. Taamaattumik Atuarfeqarnermut Immikkoortortamit innersuussutigineqarpoq Sanarfinermut Immikkoortortaqaarfimmut mailit nassiunneqartartut atuarfeqarnermut immikkoortortami fagchefimut ilanngullugit nassiunneqartalissasut.

Ullumikkut atuarfimmi isumannaallisaanermut ataatsimiittitaqngilaq illoqarfimmili kommunimi suliffeqarfimmut ataatsimoorussamik peqarluni. Tamanna tunngavigalugu Atuarfeqarnermut Immikkoortortamit innersuussutigineqarpoq atuarfik isumannaallisaasunik peqalissasoq tassanilu ilaasortat suliffiup avatangiisaanut tunngasunik ilinniagaqarnissaat neqeroorfigineqassasut.



Allat

Atuarfimmi pissaanermik atuineq qaqtigut pisaraluartoq atuarfimmi aamma pisarmat, Atuarfeqarnermut Immikkoortortamit sukatereqqusisoqarpoq pissaanermik atuinermut skabeloni immersuiffissaq atuarfinni tamani ataatsimut atugassaq atorneqartassasoq. Nakkutilliinerup kingorna atuarfimmu nassiunneqarpoq.

Atuarfimmiit nalunaarsuineq naapertorlugu ukioq atuarfiusumi 2021/2022-mi 10. klassimi atuartut 93 %-ii ilinniakkamik aallartitsinngikkunik meeqqat atuarfiata kingorna suliffeqalersimassapput.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

Ilanngussat

1. Atuarfik Tuiisq pillugu nakkutilliinermi nalunaarusiaq

Punkt 3: Innuttaasumit siunnersuut: Quassussuaq uiarlugu mountainbikenut aqqut

Beslutning

Siunnersuut itigartitsissutigineqarpoq imatut oqaaseqaatitalerlugu:

Ataatsimiititap kissaatigaa mountainbikenut aqqut aqqutissiornermut misissueqqissaarnermut ingerlanneqartumut ilanngunneqassasoq.

Bilag

4D1 Kuanninguani nunaminertat sanaartorfigequsaanngitsut atorneqartarneri pillugit oqaaseqaat

Innuttaasumit siunnersuut: Quassussuaq uiarlugu mountainbikenut aqqu

Aalajangiiffigisassaq

SagsID.: EMN-2023-01635

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamat inassuteqaatigaa:

- innuttaasumit siunnersuut itigartissutigineqassasoq paassaasiviup eqqaani imeqarfiullu killeqarfia majuartaataasup eqqaaniittoq isumannaallisaaneq eqqarsaatigalugu sanaartorfiusussaangimmat

Suliassamik saqqummiussineq

Innuttaasut tamarmik innuttaasutut siunnersuuteqarsinnaapput, innuttaasullu allat 250-it siunnersuut toqqarpasuk ingerlatsivimmi attuumassuteqartumi siunnersuut suliarineqarsinnaavoq. Ingerlatsivimmi nalilernerqareerpat siunnersuut politikikkut ataatsimiititami akisussaasumi oqaluuserineqassaaq.

Innuttaasumit siunnersuut "Quassussuaq uiarlugu mountainbikenut aqqu" naammattunik taaneqarsimavoq. Siunnersuut ima ima qarpoq:

"Quassussuaq kaajallallugu pitsaasumik pinngortitami sikkilernermik nuannarisalinnut sikkilinnut aqqu sinnioritsi.

Inuusuttorpasuit aasami sikkilerneq nuannarisarpaat, kisiannili pinngortitami aqqu tissaqanngimmat aqqu sinerni sikkilertarlutik.

Aqqu pisuttuarfittut atornerqareerpoq, kisiannili Qallussuup naanerani qattuneq sivingasoq pitsaanagerusumik aqqu tissioraanni atornerqarnerusinnaavoq. Taamaaliornermi assersuutigalugu takornarianit pisuffigissallugu ajornannginnerulissaaq.

Quassussuaq kaajallallugu aqqu tissioraanni ukiukkut sisoraatinik ujakkaartartunut apusiutilluunniit atorlugit pisuttuartartunut ajornannginnerulissaaq."

Siunnersuuteqartup Quassussuaq uiarlugu mountainbikenut aqqu siortoqarnissaa kissaatigaa. Siunnersuut politikikkut oqaluuserineqarnikuunngilaq matumanili pineqartoq tassaavoq innuttaasumit siunnersuut 2021-mi saqqummiunneqartoq kingornalu ingerlatsivimmi nalilersorneqarluni.

Siunnersuut Sammisassaqtitsinermut Immikkoortortamit, Pilersaarusionermut Immikkoortortamit aamma Sanarfinermut Immikkoortortamit nalilersorneqarnikuuvoq.

Sammisassaqtitsinermut Immikkoortortamit siunnersuut pitsaasutut isigineqarpoq isumaqartoqarmat pinngortitaq aqqu serniorlugu pineqarpat sikkilertunut pisuinnarnullu aqqu tigiuminernerulissasoq.

Sanarfinermut Avatangiisinullu Ingerlatsivimmiilli naliliineq naapertorlugu siunnersuut suliarineqarsinnaanngitsoq, tassami paassaasiviup eqqaani isumannaallisaanermut killeqarfik aamma imeqarfimmut killeqarfiit marluk aqqu tigineqartussaagamik. Killeqarfini pineqartuni sanaartortoqaqqusaanngilaq. Taamaattumik maannamut pilersaarutip suliarinissaanut



periarfissaqanngilaq. Pilersaarusionermut Immikkoortorta qarqarfiimiit innersuussutigine qarportaaq pinngortitami aqquserniorneq pitinnagu aqqusernit silippallaat pinngortitallu kusanaallisinnissaa pinngitsoortinniarlugit malittarisassaliortoqartariaqartoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Innuttaasunik peqataatitsinissamut periusissiaq, Kommuneqarfik Sermersooq

Ilanngussaq:

1. 4D1 Kuanninnguani nunaminertat sanaartorfigeqqusaanngitsut atorineqartarneri pillugit oqaaseqaat

Punkt 4: Atuartut angajullit atuariartortarnerisa nikisinneqarnissaanut siunnersuut

Beslutning

Siunnersuut itigartitsissutigineqarpoq.

Bilag

Piffissap ilaannaanik atuinermut pilersaarut - Piffissaq atuarfiusoq

Atuartut angajullit atuariartortarnerisa nikisinneqarnissaanut siunnersuut

Aalajangiiffigisassaq

SagsID.: EMN-2023-02112

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- siunnersuut itigartitsissutigineqassasoq

Suliassamik saqqummiussineq

Meeqqanut Atuarfeqarnermullu Ingerlatsivik ulloq marsip 12-iat 2023, kommunalbestyrelsimi ilaasortamit Poul Pedersenimmit siunnersuummik tigusaqarpoq, kommunimi meeqqat atuarfianni angajullerni atuartut kingusinnerusukkut atuariartortarnissaannut misiliutitut suliniummik ingerlatsisoqaqqullugu. Taanna atuariartortarnerup nikisinneqarneranik taaneqarsinnaavoq, aaqqissuussineq taanna aqqutigalugu angajullerni atuartut, nukarlerni aamma akullerni atuartunit nalinginnaasumik nal 08.00 atuariartortartunit nikingasumik atuariartortassammata.

Meeqqanut Atuarfeqarnermullu Ingerlatsivik siunnersuut tunuliaqutaralugu tamassuminnga isummersorput.

Meeqqat atuarfiat pillugu inatsit § 10, imm. 7 aallaavigalugu meeqqat atuarfianni atuartut pinngitsooratik atuartinneqarnissaat aamma perorsaanermik aallaaveqarluni namminnek kajumissutsiminnik sammisaqartinneqarsinnaanerat sapaatip akunnerisa ulluini nalinginnaasuni siullerni tallimani nal. 08.00-mit nal 16.00-mut ingerlanneqarsinnaasoq akuersissutigineqarnikuvoq. Tassunga aamma atuuppoq ilinniartitsisut piffissaq suliffigisassaat pillugu atuarfinni pisortat aaqqissuussinerat, matumani pinngitsoorani atuartitsinermik ingerlatsinissaq piffissami taaneqartumi pisussaavoq.

Taamaattoq malugineqassaaq meeqqat atuarfiat pillugu inatsimmi § 7, imm. 2, naapertorlugu piffissaq atuartitsiviususaaq pillugu minnerpaamik piumasaqaatinik arlalinnik naammassinnittoqartussaammat, taakkua ukiup atuartitsiviusup ingerlanerani pinngitsoorani ilikkagassatut atuartitsissutigineqartuni atuartunut pissarsiarineqassapput. Pineqarput 8. klassini atuartunut nalunaaqquttap akunneri pinngitsoorani atuartitsiviusussat 880, 9. klassini nal. ak. 910 aamma 10. klassini nal. ak. 920. Taamaattumik atuariartortarnermik nikisitsinermik aaqqissuussineq imaluunniit misiliineq meeqqat atuarfianni piffissaq atuartitsiviusoq pillugu minnerpaamik piumasaqaatinik innarliissanngilaq.

Ingerlatsiviup naliliinera taamaattumik imaalerpoq, inatsisit aamma piffissat suliffiusussat naapertorlugit misiliutitut suliniummik ingerlatsisoqarsinnaanera ajornartoqanngitsoq. Taamaattoq misiliutitut suliniummik ingerlatsinissamat piumasaqaataassaaq, ukiup atuarfiusup aallartinnera sioqqullugu piareersaasoqarsimassasoq, skemaliornermut atasumik pilersaarusiornermik annertuumik aamma peqqissaarussamik piumasaqaatitaqarnissaa pissutigalugu.

Aalajangiiffigisassatut siunnersuut tunuliaqutaralugu atuartut pisortaasa ataatsimoorlutik ataatsimiinneranni suliniutissatut siunnersuut ingerlatsivimmit illoqarfinni atuarfinni pisortaasunit 8-nit 7-nut oqaluseritinneqarmat, taakkua isumaqatigiillutik oqaatigaat, suliamut tunngatillugu



naliliinertik naapertorlugu suliniutissatut siunnersuut naapertuuttuosorinagu. Tassunga tullitut tunngavilersuutigineqarput:

- Atuartut sunngiffimmi sammisassanut aamma/imaluunniit sunngiffimmi suliffinnut peqataasinnaajunnaarsinnaapput, assersuutigalugu ualikkut nal. 16.00 tungaanut atuartassagunik
- Piffissap atuariatortiffisaq nikisinneqarneratigut aarlerinaataavoq, atuartut innartarnerannut piffissap nikisiinneqarnera, taamaalillutik aqaguani atuartut qasullutik aamma kajumissuseqaratik atuariatortassallutik
- Coronap nalaanit misilittagaavoq, atuartut ilaat atuariatortiffissamut piffissaliussatut nikisinneqartoq naapertorlugu atuariatornissaminnut ajornartorsiuteqarnerat, angajoqqaamik suliartorlutik aninerisa kingorna sinileqqiinnartarnitik pissutigalugu. Matumani angajoqqaat angerlarsimaneq ajoramik atuartunik atuartitsinermut peqataasitsiniaaqataasinnaanatik. Taamannak pisoqaaqissinnaanera takorloorneqarsinnaavoq, assersuutigalugu atuartut ullup qeqqata siorna nal. 10.00 atuariatortalissappata
- Piffissami matumani meeqqat atuarfianni piffissat atuariatortiffissat inooqataanermik aamma ilikkagaqarnissamik ingerlatsinernut iluaqutaasutut aamma pisariaqartutut taaneqarsinnaapput, taakkua inuiaqatigiinni amerlanerpaat aalajangersimasutut ileqquattut taaneqarsinnaallutittaaq, ilinniagaqarluni imaluunniit suliffeqarluni ingerlatsinerni aallaavittut ullaakkut nalunaqutaq 08.00 aallartittoqartarmat. Suliffeqarfiit ilaanni atuartut aamma ullaakkut nal. 08.00 sioqqullugu takkuttarnissamik piumasaqaatinik naammattuugaqartarsinnaapput
- Matumani aamma pineqarpoq unnukkut innarfissat pillugit imminut naalakkersinnaanermut ilinniarnaq, tamannalu atuartunut peqqinnartuavoq. Aammattaaq ajornartorsiut pineqartoq tassaavoq, meeqqat unnuakkut naammattumik sinittarnissaat pillugu angajoqqaat annertuumik akisussaaffigisaat
- Taassuma saniatigut, atuartut atuarnermik nakkutiginnittut unnuakkut naammattumik imaluunniit naammangitsumik sinittarnerisa ajornartorsiutaasariaqannginnerat. Atuartut atuarnerminnik nakkutiginninngitsut kingusippallaamik innartarneq imaluunniit unnuakkut naammangitsumik sinittarneq, atuartuni ataasiakkaani ajornartorsiuterpassuit ilaannarisinnaavaat
- Angajullerni atuartut piffissaq atuariatortarnerat atuartut sinnerinit nikisillugu allangortinneqassappat ilinniartitsisut ataatsimiinnerannut, trinnikkaarluni ataatsimiisitsinernut, ataatsimut pilersaarusoqatigiilluni ataatsimiinnernut assigisaannullu ilinniartitsisut tamaasa katersuutsinnissaat ajornakusuuksaaq

Meeqqanut Atuarfeqarnermullu Ingerlatsivik atuarfeqarnermut immikkoortortap aamma atuarfinni pisortat suliamut tunngasumik naliliinerat tunuliaqutaralugit siunnersuut akuersissutigeqqullugu innersuussinnaangilaat.

Ingerlatsivimmit aningaasatigut sulisoqarnikkullu naliliinerit

Piffissami 08.00-16.00 misiliinermik ingerlatsisoqarsinnaagaluarat, piffissami tassani ilinniartitsisut sapaatip akunneranut nal. ak. 40-ni nalinginnaasumik suliffigisassaattut aamma



nalinginnaasumik sulereriaasissaattut aalajangersagaasumi, siunnersuut aningaasartuutunik amerlanernik nassataqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaartillit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

Ilangussat

1. Piffissap ilaannaanik atuinermut pilersaarut - Piffissaq atuarfiusoq

Punkt 5: Meeqqanut Atuarfeqarnermullu Ingerlatsivimmit 2024-mut missingersuusiornissamut sanaartugassatut kissaatit

Beslutning

Pingaarnersiunermit tulleriiarineq aaliangiunneqartoq tassaavoq:

1. Atuarfik Hans Lyngep allilerneqarnissaa
2. Kulusummi, Sermiligaami, Kuummiini Tiilerilaamilu angerlarsimaffimmi paarsisarfiit nutaat
3. USK-imi eqaarsaartarfiit illup iluani skaterparkinnngortillugit ornittaganngorlugillu allannngortinnissaat
4. Qeqertarsuatsiaani angerlarsimaffimmi paarsisarfik sinittarfiligaq
5. Tasiilami atuareernerup kingorna ornittagaq nutaaq



Meeqqanut Atuarfeqarnermullu Ingerlatsivimmit 2024-mut missingersuusiornissamut sanaartugassatut kissaatit

Aalajangiiffigisassaq

SagsID.: EMN-2023-02459

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- ingerlatsivimmit sanaartugassatut kissaatit pingaarnersiorneqassasut
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

2024-mut missingersuutissat suliarinerinut tapiliullugu ingerlatsivik ataatsimiititardu sanaartugassatut kissaatinik arlalinnik ilanngussaqaassaaq, missingersuutininut ilanngutsikkusutaminnik. Tamanna ilaatigut missingersuusiornermi ingerlatsiviit ataatsimiititalu akuutinniarlugit aamma Sanarfinermut Avatangiisinullu Ingerlatsivik sanaartugassatut kissaatinik sorliit sallinneqassanersut marloqiusamik aningaasalersuariaaseqalernerup kingorna tamakkiisumik takunnissinnaaniassammat.

Ingerlatsiviit ataatsimiititalu kissaataat sanaartugassatut kissaatit pisariaqarnerpaajussallutillu nukinginnarnerpaajussapput. Kissaatit kisitsisitalerlugit tulleriinnilersugaassapput, taamaalilluni ataatsimiititap naliliinera malillugu sanaartugassatut siullertut kissaatigineqartoq pingaarnarnerpaajulluni.

Tassunga atatillugu erseqqissaatigineqassaaq, sanaartugassatut kissaatit kommunalbestyrelsimit inaarutaasumik akuersissutigineqassappata, siullermik misissueqqaarnissamut aningaasaliissutiniit pilersaarummut aningaasaliinertut taallugu tunniunneqassapput, tassa sanaartugassatut aningaasaliissutitut sukumiisumik ingerlateqqinneqannginnerini. Pilersaarusiornertaata pereernerata kingorna paasinarsissagaluarpas pivirusunngortinnissaanut 2 mio. koruunit sinnerlugu akeqassasoq, taava politikikkut akuersissutigineqaaqqaassaaq.

Meeqqanut Atuarfeqarnermullu Ingerlatsivimmit sanaartugassatut kissaatit matuma kinguliini taaneqarput:

- Atuarfik Hans Lyngep allilerneqarnissaa. Qinnigutsinni atuarfik tunngaviatigut ukioqatigiikkaanut klassinut marlukkaanut sanaajusimavoq, inuttaasulli amerliartornerat ilutigalugu ukioqatigiikkaanut klassinut pingasukkaanut atuarfik pisariaqartinneqalersimavoq. Aammattaaq angajullernut atuartitsiviit amigarput, atuarfimmii sananeqarmat angajullernut atuarfissatut naatsorsuussaasimannngikkaluarmat
- Kulusummi, Sermiligaami, Kuummiini Tiilerilaamilu angerlarsimaffimmi paarsisarfiit nutaat. Ullumikkut illut atorneqartut ullutsinnut naleqqutinngillat paarsisarfiissatullu sanaajunatik. Aammattaaq inissisimaffigisaanni barnevogne-nut aqquteqanngillat
- USK-imi eqaarsaartarfiit illup iluani skaterparkinngortillugit ornittaganngorlugillu allannngortinnissaat. USK-i atorunnaarpat siunnersuutigineqarpoq, atuarfiup eqaarsaartarfiit allannngortillugit ukioq kaajallallugu illup iluani skatertarfiit kiisalu meeqqanut inuusuttunullu ornittakkatut atorneqalissasut



- Qeqertarsuatsiaani angerlarsimaffimmi paarsisarfik sinittarfiligaq. Illumi pioreersumut ilanngullugu sinittafiliortoqassasoq kissaatigineqarpoq, taamaalilluni sulisut meeqqallu silakkooqqaanngikkaluarlutik ajornaquteqanngitsumik sinittarfimmukariaannaasarniassammata. Orniginarnerpaajussaaq, meeqqap nammineq qamutai sinittarfimmut inissinneqartarnissaat, maannakkummi paarsisarfimmi qamutaasiveqanngilaq
- Tasiilami atuareernerup kingorna ornittagaq nutaaq. Atuareernerup kingorna ornittagaq pioreersoq aamma klubitut atornerqarpoq, siunertamullu tulluartuunani

Ingerlatsivimmit aningaasatigut sulisoqarnikkullu naliliinerit

Sanaartugassatut kissaatit akuersissutigineqassappata, aningaasat atugassat Sanarfinermut avatangiisinullu ingerlatsivimmit matussuserneqartussaapput. Taamaattumik sanaartugassatut kissaatinit ataaseq arlallilluunniit akuerineqaraluarpataluunniit ingerlatsiviup aningaasaqarneranut sunniuteqarnaviangillat.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Sanaartornermut iluarsartuussinermullu aningaasaateqarfimmut malittarisassat kommunalbestyrelsimit ulloq 28. marsi 2023-mi akuersissutigineqartut
- 2023-mut missingersuutit pillugit isumaqatigiissut marloqiusamik aningaasalersueriaasitalik

Ilanngussat

Soqanngilaq.

Punkt 6: Kommunalbestyrelsisp meeqqanut, atuarfeqarnermut sammisassaqtitsinermullu tunngasunik peqqinnissap pitsaaliuinerullu siuarsarneqarnissai pillugit immikkut sammisaqarnera

Beslutning

Inassuteqaat akuersissutigineqarpoq.



Kommunalbestyrelsiq meeqqanut, atuarfeqarnermut sammisassaqtitsinermullu tunngasunik peqqinnissap pitsaaliuinerullu siuarsarneqarnissai pillugit immikkut sammisaqarnera

Aalajangiiffigisassaq

SagsID.: EMN-2022-04250

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- kommunalbestyrelsimi immikkut sammisassaqtitsinerup politikikkut eqqartorneqarnerata eqikkarneqarnera akuersissutigineqassasoq
- ullormi immikkut sammisaqarfiusumi politikikkut eqqartorneqartut isumassarsiarineqartullu akuersissutigalugit siunissami meeqqanut, atuarfeqarnermut sammisassaqtitsinermullu tunngasunik suliniutissanut, periusissanullu ilanngunneqassasut
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissasut ingerlateqqinneqassasoq

Suliassamik saqqummiussineq

Ataasinngornermi maajip ulluisa 22-anni 2023-mi kommunalbestyrelse immikkut sammisassaqtinneqarpoq, Kommuneqarfik Sermersuumi meeqqanut inuusuttunullu tunngasunik peqqinnissamik pitsaaliuinermilu siuarsaneq pillugit. Workshoppertitsinermi politikerit isumassarsiaasa ilanngussaasalu ingerlatsivimmi meeqqanut inuusuttunullu tunngasunik peqqinnissap siuarsarneqarnissaanut pitsaaliuinermilu suliaqaqqinnissami tunaartassatut atornerqarnissaat siunertarineqarpoq.

Ullormi immikkut sammisaqarfiusumi Paarisa-miit inuiaqatigiit peqqissusiat pillugu suliniut Inuuneritta III kiisalu Islandimi periusarineqartoq saqqummiunneqarput. Aamma Meeqqanut Atuarfeqarnermullu Ingerlatsivimmi immikkoortotaqarfik nutaaq, Ineriartortitsinermut Peqqinnermik siuarsaneq Pitsaaliuinerullu Immikkoortotaqarfik saqqummiunneqarpoq, kiisalu peqqinnissap siuarsarneqarnissaa pitsaaliuinerlu qanoq meeqqanut inuusuttunullu tunngasunik suliani ilanngunneqarnissaa eqqarsaatigineqarnerasoq. Peqatigitillugu HBSC-mik (Health Behaviour in School-aged Children) Kommuneqarfik Sermersuumut misissuinerup inerneru saqqummiunneqarpoq.

Saqqummiinerit kingornatigut workshop ingerlanneqarpoq tassani kommunalbestyrelsimi ilaasortat eqimattakkuutaarlutik apeqqutit arlallit eqqartorpaat. Naggataatigullu kommunimi politikerit apeqqutit pillugit eqqartugaat katersorlugit saqqummiunneqarput. Ingerlatsivimmit aamma eqqartorneqartut allatornerqarput, taakkulu meeqqanut, atuarfinnut kiisalu sammisassaqtitsinermut tunngasunik, immikkoortunut pilersaarutinut, periusissanut suliniutissanullu assigiinngitsunut tunaartassatut atornerqassapput.

Meeqqanut Atuarfeqarnermullu Ingerlatsivimmi Ineriartortitsinermut Peqqinnermik siuarsaneq Pitsaaliuinerullu Immikkoortotaqarfik massakkut meeqqanut inuusuttunullu tunngasunik eqqarsartaatsikkut peqqissuunerup, timikkut peqqissuunerup, aanngajaarniutitik pinaveersaartitsinerup aamma peqqinnartumik atoqatigiinnerup iluani aalajangersimasunik suliniutitik suliaqartoqarpoq. Taakku pillugit nassuiaatit suliarineqarput soorlu aamma suliassaqarfimmi paasissutissanik attuumassuteqartunik nalilersuutaasinnaasunik



pissarsiortoqartoq.

Immikkut sammisaqartitsinermi isumassarsiat meeqqanut inuusuttunullu tunngasunik periusissionermut atatillugu, peqqissutsimik siuarsaanermi pitsaaliuinermilu, atorneqassapput. Periusissiaq siunissami suliamut tunngaviliisuusaaq.

Ingerlatsivimmit aamma attuumassuteqartunik suleqatissarsiorneq ingerlanneqarpoq, soorlu Paarisa, NGO'-t aamma Timersoqatigiit Kattuffiat (GIF). Piffissami matumani Meeqqanut Atuarfeqarnermullu Ingerlatsiviup aamma Timersoqatigiit Kattuffiata akornanni suleqatigiissutissaq naammassiniarneqarpoq . Periusissaq suleqatigiinnissamillu isumaqatigiissut naatsorsuutigineqarpoq 2023-p ingerlanerani politikikkut suliarisassanngortinneqassasoq.

Kommunalbestyrelsimit eqqartorneqartartut pingaarnersiorlugit qulequttanut agguataarlugit ataani nalunaarsorsimapput.

Inuuniarnermikkut atugarliortut

Meeqqanut inuusuttunullu tunngasunik peqqissutsimut pitsaaliuinermillu suliniutini pingaaruteqarpoq inuuniarnermikkut atugarliortut pingaartillugit aamma ilaatinneqartarnissaat.

Peqataatitsineq

Meeqqat, angajoqqaat aamma sulisut akornanni peqqinnermik pitsaaliuinermillu suliniuteqarnermi piginnittuunissaq pilersinneqassaaq. Tamanna assersuutigalugu siunnersueqatigiit aqutugalugit pisinnaavoq, aamma siunnersueqatigiit isumaat innersuussutaallu malillugit iliornikkut taamaalillutik taakku aamma allanngueqataaqullugit.

Maligassiuusut

Kommunimi politikkerit sulisullu kiisalu angajoqqaat meeqqanut inuusuttunullu maligassiuusussapput. Kommunip ulluunerani paaqqinnittarfiini, atuarfinni aamma sammisassaqartitsivinni aqutsisut taakkuussapput siulliusussat. Peqatigitillugu ulluinnarni maligassiuusartut nittarsanneqassapput nersualaarneqarlutillu.

Meeqqanut isiginnittariaaseq

Peqqinnissamik pitsaaliuinermillu suliniuteqarnermi kommunip meeqqanut isiginnittariaasia eqqarsaatigineqassaaq tamanna suliniuteqarnermi pisussaaffileeqaataammat.

Ataqatigiinneq

Ataqatigiilluni meeqqat inuusuttullu kommunip, peqatigiiffiit angajoqqaallu akornanni ataatsimoorullugit peqataatinneqarnissaannik akisussaaffeqarnerup qulakkeerneqassaaq. Peqatigitillugu kommunimi meeqqat inuusuttullu ulluinnarni peqqissumik aamma taakku inooriaasiannik tunngavissaqartitsineq pilersinneqalerpat kommunimi suliffeqarfiit ilaqutariillu akornanni akisussaaffiup qanoq agguataarneqarnera ersarissuutinneqassaaq.

Ulluinnarni aallaavissaq

Kommunimi ilaqutariit ulluinnarni peqqinnartumik toqqaanissaat ajornanngitsunnguusaaq.

Kommune tamaat

Peqqissutsimik pitsaaliuinermillu suliniuteqarneq kommunimi tamarmi atuutissaaq, najukkamilu nukissat periarfissallu aallaavigalugit ingerlanneqarluni.



Paasissutissat

Peqqissutisimik pitsaaliuinermillu suliniuteqarnermi paasissutissat tunngavigineqartut pitsaanerulersinneqassapput, aamma eqqortunik tatiginartunillu paasisitsisut suliniutit sunniuteqarnerinik uuttuisinnaasut.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatillit

- Inuit Ataqatigiit Naleqqallu akornanni Kommuneqarfik Sermersuumi Kommunalbestyrelsimi suleqatigiinnissamik isumaqatigiissutaat 2022-2025

Ilanngussat

Soqanngilaq.

Punkt 7: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Beslutning

Inassuteqaat kinguartinneqarpoq imatut oqaaseqaatitalerlugu:

Meeqqanut Atuarfeqarnermullu Ingerlatsivimmi Københavnillu Kommuneaniit suleqatigiiffigineqarsinnaasut ersarissarneqarnissaat kissaatigineqarpoq.

Bilag

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqquisissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)



Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq

SagsID.: EMN-2023-02155

Suliffeqarfimmut Kiffartuussivik – Ole Jakobsen / OJAK

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatiga:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq
- illoqarfiit pingaarnersaat marluusut akornanni ataatsimut suliniutissatut siunnersuutit suliarineqassasut
- siunnersuutit Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuerisassanngorlugit ingerlateqqinneqassasut

Suliassamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atornerqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasoq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqquusissutaa innersuussutigalugu (takuuk llanngussaq 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliassaqrarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk llanngussaq 2). Taamatuttaaq Kommuneqarfik Sermersuuni politikikkut ataatsimiititat ataavartut suleqatigiinnermi suliniutissatut siunnersuutinik allanik, suliassaqrarfimminnut tunngasunik, suliaraqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluanaanissamik tunngaveqarluni pisariaqartitsinermi kissaateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

Punkt 8: Lukket

Punkt 9: Lukket

Punkt 10: Lukket

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.03.